


博山雷志生詩文集

下

1439487

傅山集詩文庫

下



淮阴师院图书馆1439487



國立中央圖書館出版品預行編目資料

溥心畬先生詩文集/ 國立故宮博物院編輯委員會
編輯. -- 初版. -- 臺北市：故宮，民82
冊； 公分

ISBN 957-562-141-7(一套：平裝)

848.682003970

有所權版

溥心畬先生詩文集 下

中華民國八十二年六月初版一刷
中華民國新聞局登記證局版臺業字第二六二一號

發行人 秦 孝 儀

編輯者 國立故宮博物院編輯委員會

出版者 國立故宮博物院
中華民國臺北市士林區外雙溪
電話：(〇二)八八一二〇二一
電傳：(〇二)八八一四四〇一
劃撥帳號：〇〇二二八七四一號

印刷者 呈峰彩色印刷有限公司
台北市雙園街一五二巷十號三樓
電話：(〇二)三〇二〇五九一

ISBN 957-562-141-7 (套)
ISBN 957-562-143-3 (下冊)

寒玉堂聯文

自序

余束髮受經之年，習篆隸真書。時得清整一二字，輒欣欣然喜，習益勤，進益銳。既而稍解點畫、頓挫、使轉之法，則有若掣肘扼腕不復進。長而求其氣骨體勢，則復掣肘扼腕不進如昔日。隱居西山，晨夕求之，雖心知意會，終不能至，甚矣！斯道之難成也。世亂洊臻，避地海濱，杜門鑿坯以謝賓客。緬慕昔賢，每懷靡及，既恥過情之聞，復累不虞之譽，而求書者踵於門。丁酉之秋臥疾，浹辰不能執筆，口占聯文將書，以應求者，非能制心怡情，以脫於形骸之外也！

庚子秋七月朔，西山逸士溥儒書。

寒玉堂聯文

五言

西山逸士溥儒撰并書

竹搖蒼玉佩；松挂碧蘿衣。

竹窗涼夜永；松館夏雲寒。

院靜鶯藏柳；窗低蝶挂梅。

構槃環石罅；維櫂釣溪雲。

雲凝芝蓋起；星轉玉繩明。

皓月仙人桂；清風隱士松。

院槿搖紅雪；溪桺絳碧絲。

金徽彈落雁；玉管寫來禽。

曠懷千古意；適志片時心。

蘿陰宜待月；竹徑自成秋。

桂宮雲作錦；芝圃玉為田。

援琴待遙月；躡屐踏寒雲。

臨水烹雷莢；因風摘露葵。

蓬壁紛垂竹；藜床亂疊書。

愛月常培竹；留香不翦梅。

作賦懷秋水；摛毫寫白雲。

高懷在泉石；遐思入風雲。

石蘿垂密幔；風竹映疎簾。

翦樹看山色；栽蕉聽雨聲。

梅如梁苑雪；石是錦川雲。

松蓋凝甘露；芝英覆彩雲。

鞠碧經霜葉；梅紅帶雪枝。

鏡銘延壽篆；鐙鑄吉羊文。

蕉風搖扇影；梅露綴珠光。

澗水停松影；天風折桂枝。

寒雲歸落木；遠岸隔飛鴻。

回文。

叢竹生寒籟；疎梅發晚姿。

詩心江上月；逸興水邊雲。

書帙巢蟬木蚩；琴囊隱鞠通。

女蘿搖碎月；仙露綴明珠。

梅萼留殘雪；松陰駐斷雲。

小巢藏巧婦；圓沼長慈姑。

埽地雲隨帚；調絃月滿琴。

龜鹿彫金鏡；瓊瑤刻玉卮。

臨水知魚樂；瞻雲羨鳥飛。

佩玉昭懿德；書紳守敬箴。

月隨方竹杖；風入斷文琴。

引經師服鄭；立德憲程朱。

玉潤含貞德；松堅有本心。

竹屋生虛白；松窗納遠青。

月倚挂瓢樹；風揚漉酒巾。

烹茶收蜜雪；汲井渫寒泉。

瞻雲陟蘿徑；臥月枕松根。

潭冰留竹葉；澗雪覆松根。

古硯生寒碧；殘碑搨硬黃。

樹帶春前雪；冰凝夜半風。

寒蟬依臥柳；晚蝶戀叢梅。

苑枯張璪樹；濃澹郭熙山。

癭柏盤書架；枯匏作酒尊。

雙鉤成竹葉；飛白作梅根。

岸蘆連水白；野葛入窗青。

水清魚戲藻；雲密鶴棲松。

蟲穿霜後葉；鳥剝雨前茶。

遠江寒落雁；秋樹獨歸人。。回文。

茂樹連山暗；寒梅傍水遙。

溪邊垂釣櫂；石上挂瓢松。

揮毫書落葉；調軫試焦桐。

菱開明月鏡；梅綻玉壺冰。

溪石堪為硯；雲蘿亦作衣。

白蓮秋釀酒；紅葉晚題詩。

硯水分蕉雨；茶香起竹煙。

振藻推明遠；含英羨孔璋。

文章金在礪；人品玉無瑕。

文章若寒木；詞賦發春華。

露浥淵明鞠；香淳和靖梅。

秋風鮑照賦；明月謝莊詩。

幽蘭能儷曲；叢桂欲留人。

天地堪懷古；江山獨賦詩。

湧泉文若水；垂露筆生花。

摘光珍美玉；敷藻豔春蘭。

莊生夢蝶意；逸少換鵝情。

流水喧猶靜；烹茶苦亦甘。

露影龍鬚簾；秋光雁足鐙。

管城傳隸法；焦爨識琴音。

絕壁孤雲起；澄潭片月明。

文成從覆瓿；詩罷自焚香。

馳驚古今際；高步天地閒。

斗室觀周易；衡門讀漢書。

高山知靜理；流水辨清音。

嘯猿向蘿月；招鶴下松雲。

問道赤松子；授書黃石公。

履道幽人吉；謙尊君子光。

聽水心常靜；觀雲意自高。

幽谷多蘭蕙；芳洲足杜蘅。

瑾瑜瑕不掩；松竹氣常清。

觀雲能悟筆；垂釣欲忘筌。

瑤琴彈綠綺；玉板界烏絲。

妙韻傳雕竹；清商發爨桐。

墨傳丹邱子；筆號管城侯。

垂釣絲綸靜；披書編簡香。

寒生垂沼竹；香動近窗梅。

龍賓研桂露；麟角寫芝英。

畫禪松月外；詩夢水雲閒。

空庭寒葉落；舊館月華清。

松蓋垂雲葉；蓮房墜露珠。

鶴歸松雪落；猿嘯峽雲開。

文章重珪璧；雅頌發宮商。

龍光騰劍氣；鳳沼起琴音。

雲山供潑墨；風月對彈琴。

秋節蘭為佩；寒江桂作舟。

寒玉堂聯文

七言

析義六經尊服鄭；立言百世法程朱。

山窗靜似無聲畫；水閣虛如不繫舟。

聞籟客談齊物論；臨書僧有折釵評。

和風夏長忘憂草；瑞露秋開含笑花。

瑤圃雙鸞棲玉樹；芝田一鶴在珠林。

歸臥青山枕白石；欲抱明月巢雲松。

香霧清輝杜工部；曉風殘月柳屯田。

叢梅似望峨嵋雪；片石遐觀太華峰。

斗室傍林棲白雀；衡門當壑倚青松。

每懷清興談風月；自有高懷滿水雲。

巖下結廬隨白鹿；林間攜酒聽黃鸝。

陋巷編詩存甲子；蓬門讀易識乾坤。

事親曾讀王祥傳；思舊翻書庾信銘。

霜飛舊館匏空繫；秋滿東籬鞠自華。

誰能對月無尊酒；我欲還山夢白雲。

畫裡江山盡平遠；秋來水木自清華。

平原葉舞商羊雨；曲巷花旋獨鹿風。

守道自知簞食樂；希賢敢謂布衣尊。

佳人日暮倚脩竹；山客雲深巢古松。

石邊碎影藤蘿月；溪上清聲薜荔風。

汲古自生書帶草；居貧閒種米囊花。

雪後寒林蕭照畫；雲中疊嶂郭熙山。

霜飛碧落寒無影；露下銀河夜有聲。

紙窗竹屋羲皇夢；秋水滄浪漁父歌。

東坡醉墨成疎竹；北苑寒山寫斷麻。

板屋梅花千樹雪；石橋流水幾家煙。

霜餘彩蝶懸孤葉；雪後文禽守凍花。

破牆帶雨行蝸篆；遠渚隨風落雁書。